



Broj: 01/1-02-1553/14  
Ilijaš, 15. 07. 2014. godine

**ZAPISNIK**

sa 21. (dvadesetprve) sjednice Općinskog vijeća Ilijaš održane dana 15. 07. 2014. godine, sa početkom u 10h.

Dvadesetprvom sjednicom OV-a Ilijaš je predsjedavao predsjedavajući OV-a g-din Damir Filipović

Prisutni vijećnici:

<b>RB.</b>	<b>IME I PREZIME</b>
<b>SDA</b>	
1	MAHIR DEVIĆ
2	NEDIM MATORUGA
3	SAUDIN DURMIĆ
4	HALID DIZDAREVIĆ
5	AMAR DOVADŽIJA
6	MUAMER DERVIŠEVIĆ
7	FAHIR HASANOVIĆ
8	RASIM ŠEHIĆ
9	SELMA PUŠINA
<b>SDP</b>	
10	ALAN ŠERAK
11	MARIONETA ILIĆ-JURETA
12	DAMIR FILIPOVIĆ
13	SELVER HERIĆ
<b>SBB</b>	
14	ADEM EFENDIĆ
15	NIJAZ MAŠIĆ
16	SEAD ŠEHIĆ
17	AKIF BEŠLIJA
<b>SAMOSTALNI VIJEĆNICI</b>	
18	EDHEM HASANOVIĆ
19	ASIM MUJIĆ
20	NIHAD BUČUK
21	ENES DIZDAREVIĆ
<b>STRANKA ZA SREDNJE</b>	
22	BESIM GLJIVA
23	AIDA MALIŠEVIĆ

	<b>LDS</b>
24	NIJAZ RASTODER
	<b>BPS</b>
25	MUHAMED HANDŽIĆ

Prisutni gosti:

1. Aida Muratović- Radio Ilijaš
2. RTV Vogošća
3. Armin Matoruga – predsjednik Savjeta MZ Stari Ilijaš
4. Alen Matoruga – predsjednik Savjeta MZ Misoča
5. Almir Špiodić – predsjednik Savjeta MZ Podlugovi
6. Mirsad Hamzić – predsjednik Savjeta MZ Malešići
7. Mehmed Smajlović – predsjednik Savjeta MZ Mrakovo
8. Nermina Smajić – volonter
9. Almira Ćosić – volonter

Ostali prisutni:

1. Akif Fazlić – općinski načelnik
2. Zdravko Barić – pomoćnik načelnika
3. Alma Imamović – pomoćnik načelnika
4. Sadeta Brkić – pomoćnik načelnika
5. Meliha Avdibegović – pomoćnik načelnika
6. Merima Osmanović – pomoćnik načelnika
7. Nijaz Spahić – pomoćnik načelnika
8. Ilda Kahriman – sekretar OV-a
9. Ferid Ćurevac – stručni saradnik u Službi za privredu, finansije i investicije
10. Aziz Fazlić – stručni suradnik u Službi za društvene djelatnosti
11. Adha Masnopita – stručni saradnik u Službi za društvene djelatnosti
12. Maida Habibović – zapisničar.

Predsjedavajući je otvorio sjednicu i konstatovao da postoji kvorum za odlučivanje.

Zatim je dao na razmatranje zapisnik sa 20.sjednice OV-a.

Primjedbi na zapisnik nije bilo, pa je OV-e jednoglasno usvojilo zapisnik sa 20. sjednice OV-a.

Pročitao je predloženi dnevni red, konstatovao da je predlagač povukao rješenje u tački 9. pod a), te dao na razmatranje dnevni red.

Primjedbi nije bilo, pa je OV-e jednoglasno usvojilo slijedeći

### **DNEVNI RED**

1. Vijećnička pitanja i inicijative
2. Izvještaj o realizaciji zaključaka sa 20.sjednice
3. Prijedlog Odluke o usvajanju Izvještaja o procjeni šteta izazvanim poplavama i klizištima na području općine Ilijaš
4. Prijedlog Odluke o izmjeni i dopune Odluke o odobravanju prodaje motornog vozila
5. Prijedlog Odluke o načinu i uslovima prodaje neizgrađenog gradskog građevinskog

- zemljišta (dio k.č.br.259/1 K.O. Ilijaš Grad)
6. Prijedlog Odluke o načinu i uslovima prodaje neizgrađenog gradskog građevinskog zemljišta (dio k.č.br.270 K.O. Ilijaš Grad)
  7. Prijedlog Zaključka kojim se utvrđuje Nacrt Odluke o dodjeli stanova na korišćenje i stavlja na javnu raspravu
  8. Prijedlog Zaključka kojim se daje suglasnost JKP "Vodostan" d.o.o. Ilijaš da može izvršiti priključak na vodovodnu mrežu objekat-farmu za tov pilića OBRT "KALEM-S"
  9. Prijedlog Rješenja iz imovinsko-pravne oblasti:
    - b) rješenje broj:06/1-31-658/14
    - c) rješenje broj:06/1-31-954/13/EH

AD-1

Vijećnička pitanja i inicijative

AIDA MALIŠEVIĆ – Vijećnica Stranke za Srednje

Pitanja:

1. Postavljam pitanje direktoru JKP "Vodostan" d.o.o. Ilijaš zašto prilikom izvođenja radova ispred ambulante Srednje nije vraćen asfalt (teren) u prvobitni položaj ili zašto nije betonirano to mjesto, ako ništa drugo, nego je ostavljeno onakvo "ruglo" ispred samih ulaznih vrata ambulante u Srednjem ?  
Molim da direktor JKP "Vodostan" d.o.o. Ilijaš shvati ovo ozbiljno i riješi problem na najbolji mogući način.
2. Tražim da mi Služba za socijalni rad dostavi spisak osoba koje su njeni uposlenici obišli i pružili pomoć u toku 2013. i 2014.godine na području Srednjeg i okolnih sela. Molim da se navede koja vrsta pomoći je pružena.

MUHAMED HANDŽIĆ – Vijećnik BPS-Sefer Halilović

Ponavljam tri pitanja sa prethodne sjednice:

Pitanja:

1. Zašto nadležna općinska služba nije našla rješenje za smještaj udruženja maloljetnih boraca Armije R BiH koje se istoj obratilo po ovom pitanju 13.05.2014.godine ?

Obrazloženje: Navedena boračka kategorija je jedna od najzaslužnijih, ako ne i najzaslužnija pa mi danas uživamo blagodati slobode, a oni pored toga što su vas branili i odbranili i obezbjedili vam ta radna mjesta danas čekaju da im se vi smilujete i date im na korištenje jednu prostorijicu u kojoj će se okupljati i boriti za svoja zaslužena prava. Nemožete im reći da takvih prostoriya nema, jer ja znam da ima, samo ako vi to hoćete. Navodim primjer neparlamentarnih političkih stranaka koje i danas uzurpiraju takve prostorije, kao i prostorije u kojim se šepure znatno manje zaslužna udruženja i kolektivi.

2. Zašto se ne vrši ljetno održavanje puteva na našoj općini ?

Obrazloženje: Većina puteva na općini Ilijaš je zarasla šibljem i travom čime se u velikoj mjeri ugrozila sigurnost u saobraćaju i sigurnost svih građana koji koriste ove

puteve. Pored toga, na asfaltnim putevima je veliki broj udarnih rupa koje se iz godine u godinu šire i nastaju krateri na putevima koji često dovode do saobraćajnih nezgoda. Također je bitno napomenuti i makadamske puteve koji su uništeni od posljedica proteklih padavina, a neki od njih su u potpunosti neprohodni.

3. Koja firma vrši održavanje rasvjete na području općine Ilijaš i zbog čega u Mjesnoj zajednici Luka nije u funkciji veći broj rasvjetnih tijela ?

AKIF BEŠLIJA – Vijećnik SBB BiH

Inicijativa:

1. Zahtijevam da nadležna služba prilikom planiranja sredstava za obilježavanje pogibije našeg komandanta Hašima Spahića na Moševačkom brdu predvidi dio sredstava za uređenje pristupnog puta i uređenje platoa kod spomen obilježja.

Obrazloženje: Očevidci smo da je svake godine prilikom obilježavanja mjesta pogibije nemoguće izaći na odredište sa automobilima, a otežano je čak i pješice do platoa. Čak je i sam plato gdje je spomen obilježje neuređeno i skoro zarastao.

Sramota je takav odnos prema zaslužnim borcima koji su dali svoje živote, a pogotovo što je to spomenik našem slavnom komandantu Hašimu Spahiću.

MARIONETA ILIĆ-JURETA – Vijećnica SDP-a

Zahvalila se načelniku i službama na onome što je učinjeno sve što je dogovoreno na prošloj sjednici (popravljen je put prema Višnjici, dosta toga je urađeno prema Starom gradu).

Pitanje:

1. Hoće li biti realizovano ono što je obećano za džamiju u Solakovićima ?

Inicijative:

1. Da se izvrše popravke asfaltnog puta prema Solakovićima.
2. Da se uz asfaltni put od raskršća za Solakoviće pa do garaža prema Koritima uradi sječenje i čišćenje rastinja oko puta kako bi se bezbjednije odvijao saobraćaj.

NIJAZ RASTODER – Vijećnik LDS-a

Inicijative:

1. Da vijećnik Nihad Bučuk vrati mandat LDS-u.

Pitanje:

1. Koji su to stanovi koje je ovaj organ (općina) imao 1996.godine, koje je napravio ili kupio, ali na način da su to stanovi Željezare ili drugih firmi ? Također, tražim odgovor koliko ima Željezarinih stanova i drugih firmi kojima upravlja ovaj organ ?
2. Da se uputi zahtjev Cestama Federacije ili Kantonalnoj Direkciji za ceste, da se odvodi i kanali na području Malešića očiste i odveze otpad sa njih i parcela koje su u ovom pojasu. Napomena je da je u kišnim padavinama firma d.o.o. "Halilović" čistila kanal i sve je ostalo na parceli u blizini Doma u Malešićima, a takođe u kišnim

danima ovaj propust poplavi i nije u funkciji. Da ne bi došlo do tih događaja, potrebno je da se kanali očiste i napravi odvod do rijeke Bosne na ovom području.

Pitanja:

1. Kada će biti postavljene rešetke u Malešićima na odvodnim kanalima ispred i poslije podvožnjaka kod Doma MZ-e Malešići? Napomena: ovdje je najfrekventnije područje, te građani i djeca koja prolaze imaju opasnost od ovih kanala koji su dubine 50 cm.
2. Koliko vremena treba da prođe da se izvrši sanacija puta u Gornjim Malešićima ? Nakon dva mjeseca ovaj put je u opasnosti i niko ništa ne poduzima. Građani su se obraćali i Mjesnoj zajednici Malešići i oni ne znaju, a da stvar bude i gora, ovaj put nije ni obilježen, a kamoli saniran. Molimo da se ovaj put što je moguće prije riješi kako bi građani imali bezbjednu komunikaciju i saobraćaj.

SAUDIN DURMIĆ – Vijećnik SDA

Inicijativa:

1. Pokrećem inicijativu prema Federalnoj direkciji auto cesta, a vezano za postavljanje table za obavješćavanje na portalu namijenjenom za postavljanje tabli za naseljena mjesta na dionici auto ceste Vogošća-Podlugovi. Naime, pored naseljenih mjesta Breza i Vareš nema natpisa za Ilijaš, već kod samog isključenja sa auto ceste postoji mali putokaz za Ilijaš. Molim da nadležni u auto cestama izvrše postavljanje obavješćavajuće table sa natpisom "Ilijaš" na portalima gdje postoje table sa natpisima Breza, Vareš kako bi oni koji se voze auto cestom Vogošća-Podlugovi mogli na vrijeme da uoče skretanje za Ilijaš.  
U nadi da će nadležni u auto cestama naći razumijevanje za ovu inicijativu, unaprijed se zahvaljujem.

BESIM GLJIVA – Vijećnik Stranke za Srednje

Imam jednu sugestiju, inicijativu, a na to sam već upozoravao već nekoliko sjednica, a to je devastacija puteva prilikom odvoza šume sa šireg područja Gajeva i Nišića. Naime, građani su najavili blokadu puteva prilikom izvoza drvenih sortimenata. Radi se o naselju Vrutci i šire, a naknadno su upoznali i mjesnu zajednicu.

Putevi na tom dijelu su 50% uništeni i ako se to nastavi, svi lokalni putevi na tom dijelu će biti uništeni.

Na nekoj od prethodnih sjednica smo donijeli određene zaključke vezano za utovar šumskih sortimenata, ali to nije ispoštovano.

ADEM EFENDIĆ – Vijećnik SBB BiH

Inicijativa:

1. Pokrećem inicijativu da nadležna općinska služba i preduzeće u čijoj je nadležnosti održavanje puteva i putnog pojasa, što prije izađe na teren u ul. Žrtava genocida u Srebrenici i izvrše čišćenje putnog pojasa pomenute, kao i ostalih ulica u čijoj je nadležnosti održavanje.

Inicijativa koju je pokrenuo vijećnik Akif Bešlija, mislim da ima mnogo šire i mnogo zahtjevnije stvari nego što je to neka inicijativa. To govorim sa nekoliko aspekata. Jedan aspekt je tehničke prirode. Znamo da se radi o dionici koja ide kroz šumu cca 2 km i sada je pitanje izgradnje puta i ta gradnja zahtjeva značajna sredstva, jer znamo kakav je teren. Drugo, sam način obilježavanja i dolaska i to možemo gledati sa raznih aspekata. Da li je to dolazak autom pred spomenik (na jedan komforan način) ili je to obilježavanje koje znači pješaćenje jednom maršrutom? Kada bih se ja opredjeljivao, prije bih se opredijelio da imamo i to pješaćenje zbog određene simbolike. Plato gdje je spomenik treba urediti na najbolji mogući način i ono trenutno nije dovedeno na način i uslove koje to mjesto i obilježje zahtjevaju. Volio bih da kroz određene razgovore i sa boračkim udruženjima razmotrimo ovo.

#### AD-2

Izveštaj o realizaciji zaključaka sa 20.sjednice

Diskutanata po ovoj tački dnevnog reda nije bilo, pa je OV-e jednoglasno usvojilo

Izveštaj o realizaciji zaključaka sa 20.sjednice

#### AD-3

Prijedlog Odluke o usvajanju Izveštaja o procjeni šteta izazvanim poplavama i klizištima na području općine Ilijaš

FERID ĆUREVAC – Stručni saradnik u Službi za privredu, finansije i investicije

Vlada Federacije je svojim aktom proglasila stanje prirodne nepogode dana 15.05.2014.godine. Mi kao općina nismo proglasili to stanje, međutim, što se tiče metodologije same procjene u skladu sa uredbom, izmjenama i dopunama uredbe općinska komisija je dužna da izvrši procjenu šteta na svim materijalnim dobrima koja su se desila. Sam izveštaj je rađen po metodološkom principu u kojem su, u prvom tekstualnom dijelu, naglašena mjesta gdje se to sve dešavalo. Došlo je do plavljenja rijeke Bosne u naseljenim mjestima Malešići, Ribarići, Donja Luka, Kadarići, Podlugovi, Lješevu, zatim rijeke Ljubine u naseljenim mjestima Ljubine i Stupe, i izlivanje rijeke Misoče u naseljenim mjestima Mlini, rijeke Stavnje u naseljenim mjestima u donjem toku pri ulijevanju u rijeku Bosnu. Ono što je specifično jeste veliki broj klizišta koji se pojavio na području čitave općine. Od ukupno registrovanih 27 klizišta, prema podacima Službe civilne zaštite, komisija smatra da su dva izuzetno kritična. To su klizišta u naseljenom mjestu Donji Čevljanovići i Srednje. Također, u tekstualnom dijelu navedeno je još da li je bilo ljudskih žrtava, da li je bilo epidemije, koje su mjere poduzete na sprječavanju posljedica od tih elementarnih nepogoda. Navedeno je da su angažovana 4 privredna subjekta, a to su BILAL d.o.o., JKP Vodostan, Halilović d.o.o., i Durmić d.o.o. Tokom ovih dešavanja vršena je dostava humanitarne pomoći ugroženim licima koja se sastojala od paketa hrane i higijenskih potrepština. Mandat komisije je bio da procjeni štete na građevinskim objektima, na stambenim objektima u privatnom vlasništvu. Može se vidjeti da su najveće štete na području općine Ilijaš na infrastrukturi i ukupne štete koje se odnose na infrastrukturu iznose cca 1.000.000, putna infrastruktura 378.900 KM, uređenje vodotoka 180.000 KM, klizišta 450.000 KM, i jedan dio rasvjete u mjestu Solakovići 3.000. Što se tiče asfaltnog puta, ukupno je oštećeno 2.23 km puta i 13.2 km makadamskog puta. Mi smo u obavezi da do 15-og, ovaj izveštaj proslijedimo Kantonalnoj upravi civilne

zaštite, Federalnoj upravu i Vladi KS.

NIJAZ RASTODER – Vijećnik LDS-a

Iz govora gospodina Ćurevca sam zaključio da općina Ilijaš nije proglasila vanredno stanje, ne znam na koji način to mislite da naplatite, a bilo je osnova da se proglasi vanredno stanje. Federacija jeste proglasila ali će vjerovatno biti prioriteta one općine koje su proglasile varedno stanje, a da ne govorimo o izvještaju jer ovdje ima "smiješnih stvari". Mislim da se trebalo u tom vremenu, ozbiljnije pristupiti ovome, možda čak i proglasiti varedno stanje, te bi sada bili prioritet za naplatu.

MARIONETA ILIĆ-JURETA – Vijećnica SDP-a

Da li se zna kada će se klizišta početi sanirati? Ima ugroženih kuća na području Ljubine, Srednje.

ADEM EFENDIĆ – Vijećnik SBB BiH

Dio potoka Gnionica, gdje se ulijeva kanalizacija iz Mrakova, došlo je do ugrožavanja kuća i jedan dio dvorišta zbog klizišta, odnosno odrona koji je izazvao potok tokom ovih vremenskih neprilika. Ne vidim nigdje da je to pomenuto, da je tu intervenisano, a ljudi traže da se zaštiti barem nekom pozidom.

MUHAMED HANDŽIĆ – Vijećnik BPS-Sefer Halilović

Imam jedno pitanje i za načelnika, a to je kada će se skloniti prepreke pored rijeke Bosne u Donjoj Luci, koje su postavljene prilikom poplava. One su zauzele već pola asfaltnog puta, i saobraćaj u oba pravca se nije mogao ni odvijati, čak je sad otežan i u jednom pravcu autobuski saobraćaj i saobraćaj teretnih vozila. Ima li naša općina sredstava da popravi ovo bar djelimično uništeno, da ljudi mogu kućama dolaziti sa vozilima. Putevi su potpuno uništeni, posebno makadamski putevi.

BESIM GLJIVA - Vijećnik Stranke za Srednje

S obzirom kakvim sredstvima raspolažemo, trebamo prije svega pohvaliti uposlenike civilne zaštite i općinskog načelnika. Kada se tiče izvještaja, malo izgleda "smiješno" kako neko reče prije mene, i mislim da se ovo nije trebalo navoditi. Trebalo je staviti akcenat na putnu infrastrukturu, i ako ikakvih para bude, trebamo prvo to rješavati, a ovo ostalo neka stoji za neka druga vremena.

AKIF FAZLIĆ – Općinski načelnik

Što se tiče izvještaja, volio bih da se navedu koje su to stvari ovdje "smiješne", da vidimo da nismo negdje napravili grešku jer ovaj izvještaj dolazi na vijeće da bude objektiviziran. Kada je u pitanju naša odluka da li da proglasimo stanje elementarne nepogode, mi smo se rukovodili time da je to Federacija uradila i tako se većina općina postavila, izuzev njih nekoliko koje su zaista imale dramatične stvari, neuporedive pogotovo sa našom općinom. Treba ostati objektivan, jer ono što se dešavalo na području općine Ilijaš nije zavređivalo da se proglasi posebno stanje. Izvještaj se morao uraditi po metodologiji, po zakonu, tako da svako ko je predao zahtjev, isti je morao biti protokolisan i naveden metodološki u

izvještaju, pa makar se to radilo i o lijehi luka. Različite su stvari pitanje procjene štete i pitanje naknade štete. Ovdje je data procjena štete, mi moramo iskazati kolike su štete, a kada su u pitanju naknade jasno nam je da se to neće moći nadoknaditi ni blizu u kapacitetu u kojem su procjenjene. Sa sredstvima iz našeg budžeta smo već počeli sa nekim stvarima, kao što je sanaciju dva mosta u Ljubini, pitanje rasvjete za Povoču i moramo napraviti kriteriji da riješimo 5-6 kuća koje su ugrožene, a ono što je najveći finansijski zahtjev jeste sanacija makadamskih puteva. Ja ne očekujem da ćemo mi nešto sa strane dobiti sredstava, možda neki mali dio, ali on neće biti na nekom nivou da zadovolji ove zahtjeve. Procjenu klizišta niko ne može bez geološke elaboracije dati aproksimativno neku cifru koja može kazati da je to toliko. Mi imamo obećanje od Zavoda za izgradnju KS da će u ovoj godini oni sanirati dva klizišta, vjerovatno jedno u Srednjem, i jedno u Čevljanovićima.

Predsjedavajući je zaključio raspravu, te dao na glasanje Odluku. Konstatovano je da je OV-e sa 22 glasa ZA i 3 UZDRŽANA donijelo

Odluku o usvajanju Izvještaja o procjeni šteta izazvanim poplavama i klizištima na području općine Ilijaš

#### AD-4

Prijedlog Odluke o izmjeni i dopune Odluke o odobravanju prodaje motornog vozila

Diskutanata po ovoj tački dnevnog reda nije bilo, pa je OV-e jednoglasno usvojilo

Odluku o izmjeni i dopuni Odluke o odobravanju prodaje motornog vozila.

#### AD-5

Prijedlog Odluke o načinu i uslovima prodaje neizgrađenog gradskog građevinskog zemljišta (dio k.č.br.259/1 K.O. Ilijaš Grad)

NEDIM MATORUGA – Vijećnik SDA

Ja bih samo podsjetio vijećnike i pomoćnike koje su pripremali ovaj materijal da smo nekad ranije donijeli zaključak da se kod stvari koje definišu imovinsko-pravu oblast obavezno priloži skica. U ovom slučaju nemamo skicu, ni kod ove ni kod slijedeće tačke, pa bih volio da čujemo prijedlog da nam se objasni o čemu se radi, gdje je lokacija?

MELIHA AVDIBEGOVIĆ – Pomoćnica načelnika Službe za prostorno uređenje i stambeno-komunalne poslove

Ova Odluka koja je sad na dnevnom redu odnosi se na dogradnju poslovnog objekta, to je zanatski centar pored EP pumpe, a direktno se odnosi na objekat mesara "Smajlović". Regulacionim planom Centar Ilijaš je predviđena dogradnja, nadogradnja i redizajn kompletnog poslovnog niza. Ova dogradnja odnosi se samo na prizemlje bez sprata. Što se tiče druge tačke, ona se odnosi na prodaju zemljište u svrhu izgradnje stambenog objekta, kolektivno stanovanje, preko puta autobuske stanice, ulaz iz ulice Omladinska, isto predviđena lokacija Regulacionim planom Centar Ilijaš.

Predsjedavajući je zaključio raspravu, te dao na glasanje Odluku. Konstatovano je da je OV-e sa 24 glasa ZA i 1 UZDRŽANIM donijelo



Odluku o načinu i uslovima prodaje neizgrađenog gradskog građevinskog zemljišta (dio k.č.br.259/1 K.O. Ilijaš Grad)

Uslijedila je pauza od 11:00-11:10h.

AD-6

Prijedlog Odluke o načinu i uslovima prodaje neizgrađenog gradskog građevinskog zemljišta (dio k.č.br.270 K.O. Ilijaš Grad)

SEAD ŠEHIĆ – Vijećnik SBB BiH

Osvrnuo bih se na ovo pitanje i želio bih da se uozbiljimo po ovoj stvari. Nama se ovdje jednostavno donesu neke stvari da mi izglasamo. Mi smo zakonodavni organ i treba da određujemo politiku gdje će se šta graditi. Da li će to biti zgrada u nekom parku, da li nam treba park itd. Evo, neki ljudi grade određene stvari na određenom zemljištu, a zemljište nisu ni kupili. To stvarno nije uredu. Zamolio bih općinske službe da se malo uozbilje po tom pitanju. Konkretno, evo primjer Smajlovića (prethodna tačka dnevnog reda), a evo sada nam se potura pitanje da se pravi nekakva zgrada preko puta autobuske stanice. Da li je potrebno da se uništava park? Mi, kao Vijeće, treba da odlučimo o tome.

Diskutanata po ovoj tački dnevnog reda, više nije bilo, pa je OV-e sa 19 glasova ZA i 6 UZDRŽANIH donijelo

Odluku o načinu i uslovima prodaje neizgrađenog gradskog građevinskog zemljišta (dio k.č.br.259/1 K.O. Ilijaš Grad)

AD-7

Prijedlog Zaključka kojim se utvrđuje Nacrt Odluke o dodjeli stanova na korišćenje i stavlja na javnu raspravu

MELIHA AVDIBEGOVIĆ – Pomoćnica načelnika Službe za prostorno uređenje i stambeno-komunalne poslove

Po usvajanju odluke, omogućit će se određenim kategorijama, rješavanje stambenog pitanja. Znači, da je proces otkupa stanova završen, osim pojedinačnih slučajeva koji svoja prava traže preko nadležnog suda. Što se tiče pitanja vijećnika Nijaza Rastodera, prije rata imali smo cca 1250 stanova (to je ukupan stambeni fond u Ilijašu). Od toga je općina imala 240 stanova, a svi ostali stanovi su bili vlasništvo naših preduzeća (Željezara, Inntal-Bosna, Antikorozijska). Poslove upravnog rješavanja povrata stanova vrši Uprava za stambena pitanja Kantona Sarajevo, a općina ne raspolaže podacima koji stanovni nisu vraćeni. Znači, nemamo podatke o vraćenim stanovima na području općine Ilijaš, ali nam je poznato orijentaciono (cca 30 stanova) koji trebaju da se vrate općini Ilijaš i koji će biti predmet dodjele na korištenje po usvajanju odluke.

Ovom odlukom dodjeljuju se stanovi na korištenje u vlasništvu općine Ilijaš, privatizovanih preduzeća i preduzeća koja su prestala sa radom ili brisani sa evidencije preduzeća i to stanovi za koje nije bilo povrata u zakonom predviđenom roku.

Dodjelu stanova vršit će komisija koju će formirati općinski načelnik. Dodjelu stanova potpisivat će općinski načelnik, a žalbe na dodjelu stanova će se podnositi općinskom načelniku. Konačnu listu za odabir stanova vršit će sindikati tretiranih preduzeća, odnosno

stanova koji će biti na raspolaganju. Kroz odluku su definisani i kriteriji za dodjelu stanova na korištenje.

Ova odluka se daje na javni uvid i javnu raspravu u trajanju od 60 dana od 15.jula do 15.septembra i izvršit će se u preduzećima koja imaju na raspolaganju takve stanove. Svi mi koji budemo imali određene primjedbe i sugestije možemo to uraditi u predviđenom roku.

Diskutanata po ovoj tački dnevnog reda više nije bilo, pa je OV-e jednoglasno donijelo

## ZAKLJUČAK

1. Utvrđuje se Nacrt Odluke o dodjeli stanova na korišćenje i stavlja na javnu raspravu.
2. Javnu raspravu će organizovati Služba za prostorno uređenje i stambeno-komunalne poslove Jedininstvenog organa uprave opštine Ilijaš, trajat će 60 dana, u vremenu od 15. jula do 15. septembra 2014. godine, a organizovat će se u sindikalnim organizacijama privatizovanih preduzeća koja su bila nosioci prava raspolaganja stanovima, udruženjima građana koja okupljaju boračku populaciju i udruženjima građana koja okupljaju lica u stanju potrebe za socijalnim stanovanjem, te javnim ustanovama koje brinu o zaštiti ovih lica.
3. Prijedlozi, primjedbe, sugestije i mišljenja zainteresovanih subjekata i pojedinaca iz javne rasprave dostavljaju se Opštini Ilijaš, Službi za prostorno uređenje i stambeno komunalne poslove u pismenoj formi, na Fax 033/58 06 70 i E-mail: [prostorno@ilijas.ba](mailto:prostorno@ilijas.ba), koja ih prikuplja i sređuje.
4. Služba za prostorno uređenje i stambeno-komunalne poslove, kao obrađivač odluke, dužna je nakon provedene javne rasprave da podnese izvještaj Opštinskom vijeću Ilijaš o rezultatima Javne rasprave, te da obrazloži razloge zbog kojih pojedine primjedbe i prijedlozi nisu prihvaćeni niti ugrađeni u tekst Odluke.

## AD-8

Prijedlog Zaključka kojim se daje suglasnost JKP "Vodostan" d.o.o. Ilijaš da može izvršiti priključak na vodovodnu mrežu objekat-farmu za tov pilića OBRT "KALEM-S"

Predsjedavajući je podsjetio da je stiglo i mišljenje Mjesne zajednice Lješevo.

AKIF FAZLIĆ – Općinski načelnik

Znate da je ovo OV-e u cilju zaštite interesa građana ove općine donijelo jednu generalnu odluku gdje se distribucija iz našeg gradskog vodovoda ne može vršiti van granica općine Ilijaš. Na bazi takve odluke mi smo prije par godina imali zahtjev za jednu humanitarnu organizaciju koja gravitira ka Vogošći, i tada je data saglasnost ovog OV-a za priključak objekata te humanitarne organizacije, i evo imamo drugi slučaj gdje se pojavio zahtjev za priključak te firme na naš gradski vodovod. U prijedlogu zaključka Služba i ja kao načelnik smo se vodili stavom našeg JKP Vodovod, da on ima u interesu distribuciju vode, prije svega sa tog nekog finansijskog aspekta i vjerovatno sa tehničkog aspekta, s obzirom da se radi o objektu koji je blizu distributivne mreže koja je izgrađena na području MZ Ljubnići. U konačnici, ja ću predložiti da ovaj zaključak reduciramo na količinu vode koja se može definisati jednim maksimumom, kao jednu garanciju da ta količina koja bi se distribuirala neće ugroziti vodosnadbijevanje našeg područja, prije svega područje MZ Lješevo i MZ Ljubnići.

## MUHAMED HANDŽIĆ – Vijećnik BPS-Sefer Halilović

Ovo je izuzetna godina kada nemamo redukcije, zbog ovoliko kišnih padavina. Ovo je jedan period koji nas neće sigurno zadesiti narednih možda 50 godina. Proteklih godina, skoro svi građani općine Ilijaša su imali redukciju koji su na ovom našem glavnom vodovodu. I mi sad dajemo vodu da ide u Visoko. Imamo i sugestije mjesne zajednice, vijeća koje nas upozorava da će i oni imati problema. Zaista ne znam čime se rukovodite pa donosite prijedloge zaključka na ovo vijeće da mi donesemo odluku da se taj dio da ovom koji potražuje, toj farmi pilića. Mi moramo razmišljati i o prilivu stanovništva, mi moramo razmišljati, o odluci koju smo donijeli ovdje za izgradnju tri elitna naselja na području općine Ilijaš. Ti ljudi će sigurno tražiti svu infrastrukturu od ove općine, a ako ne budemo mogli to objezbjediti, mi ćemo snositi odgovornost što smo dali odluku, odnosno, pretvorili poljoprivredno u građevinsko zemljište da oni grade objekte. Mi da dajemo 4 kubika dnevno, a čovjek nije izračunao i deratizaciju i dezinfekciju, čišćenje oko objekta, i kada mu damo sad tu liniju on će proširiti kapacitete i taj čovjek će trošiti koliko troši naša MZ Ljubnići. Dakle, nisam za ovo, i ko god bude glasao za ovu odluku neka snosi odgovornost, a građani će sigurno snositi posljedice.

## MAHIR DEVIĆ – Zamjenik predsjedavajućeg

Ovdje se radi o tome, da li ćemo mi kao vijeće prodavati resurs koji imamo, a u ovom slučaju Vodostan nam garantira da imamo višak vode ili ćemo donijeti odluku da nećemo. Prema tome, ne trebamo dramatizirati, jer ako sad donesemo odluku da to nećemo dati nikome, onda se može desiti za godinu da se pojavi neko drugi i da kaže da neće nikako. Ako treba da napravimo neku pauzu da se dogovorimo, jer ako smo dobili informaciju da imamo višak te vode, zašto da se međaški ponašamo jer će se tu ipak otvoriti poneko radno mjesto.

## RASIM ŠEHIĆ – Vijećnik SDA

Možda je ovdje prvi propust to što nije prisutan direktor JKP Vodostan, jer smo prethodne godine imali redukciju, i bojim se da ćemo iz godine u godinu sve češće imati takvu situaciju, a ovo je godina, kao što maloprije reče kolega Handžić, koja se desi jednom u 50 godina. Ja bih volio, kako u svojoj zajednici, tako i u drugima da poslušamo glas naroda. Mi ovdje imamo zahtjev građana, koji su poslali vijeću da se ta odluka ne podrži, i ono čime bi se mi trebali rukovoditi je to, jer nemamo nikakvu garanciju poslije toga da će neko vršiti kontrolu. Ako je samo interes ta naplata, po meni mi ne bismo trebali da pristanemo na to.

## SELVER HERIĆ – Vijećnik SDP-a

Imam obavezu, na zahtjev građana, dok sam prolazio pored ugostiteljskog objekta nadomak općine, da pitam ko je uzeo pare i koliko ili su u pripremi, pošto vidimo da u ovom zaključku Vodostana, direktor to nije naveo. Ispravit ću načelnika, obzirom da sam bio u dosta saziva Vijeća, nismo imali samo jedan zahtjev, nego je bilo zahtjeva od Vratnice, općine Breza i najgorčeniiji zagovornik protiv toga je bio baš naš načelnik, pa me čudi da je promijenio mišljenje. Znamo da je voda opće dobro i da svima treba dati vodu koju nemaju, ali vodovod je nečije vlasništvo i da je općina pravni subjekt koji treba da štiti građane. U ime građana koji koriste ovaj vodovod mišljenja sam da ovo Vijeće treba odlučiti da ne donosi nikakvu odluku po ovom pitanje, nego možda da građani ove

mjesne zajednice provedu neki vid javne rasprave i da pošalju ovom Vijeću svoj stav o tom priključku. Mene ne čudi ograničenost u razmišljanju direktora Vodostana, jer znamo o kakvoj osobi se radi, a znate da smo ranije na Vijeću imali izvještaj Vodostana u kojem je navedeno kako se trebaju preduzeti mnogo radnje, da vode nema i da ćemo jednog dana doći u situaciju da nemamo vode, a sada imamo prijedlog da vodu damo firmi koja egzistira na području druge općine. Klub vijećnika SDP-a je protiv toga i ako dođe do glasanja, mi ćemo se izuzeti od glasanja.

NIJAZ RASTODER – Vijećnik LDS-a

Neprimjereno je govoriti da ovdje ima nekih talova. Ovdje imamo, s jedne strane, ljudi koji čekaju da nešto zarade i, s druge strane, ljude koji se boje da će ostati bez vode. Ja u ovom momentu nisam spreman da ovo podržim ovako, niti sam spreman da povjerujem Vodostanu da imamo dovoljno vode, niti vjerujem onima koji kažu da nemamo dovoljno vode. Trebalo je da ovdje dođu stručnjaci i da kažu da li imamo dovoljno vode, da li ćemo biti ugroženi, a znamo da tih stručnjaka nema u Vodostanu. Ovom pitanju je trebalo mnogo ozbiljnije pristupiti.

BESIM GLJIVA – Vijećnik Stranke za Srednje

Imajući dugogodišnje iskustvo iz lokalne zajednice vezano za vodosnadbijevanje koje ni dan danas nije na adekvatan način riješeno, radi se o širem području Gajeva, sa izvorišta, vrela, u obavezi mi je da pokušam pomoći u prevazilaženju ovog problema prije svega kao vijećnik. Dosta godina sam kroz svoje diskusije ovdje kao vijećnik ukazivao na to da je jedino rješenje za grad Ilijaš rješenje realizacije vodozahvata Vratak, za koji smo izgradili projekat i on ima ogromne količine vode koje trebamo ispumpati na brdo iznad Ilijaša, Nišića, i on ima tolike količine da bi mogao biti adekvatna rezerva danas, sutra, nekad i za Ilijaš. Taj vodozahvat bi bio i rješenje da određene količine može dobiti i Ilijaš, prije svega ako uzmemo činjenicu da on u svojoj neposrednoj blizini ima izvorište rijeke Bjelave. Ja sam insistirao godinama, i uspio sam ubijediti strukture, u nekom prethodnom periodu, da napravimo projekat vodozahvata Vratak, koji košta 1.700.000 u prvoj fazi, i mislim da bi to trebao biti čak i prioritet u narednom periodu da pokrenemo realizaciju ovog projekta. Drugo, kada se tiče prijedloga, činjenica je da je ovdje najodgovornije lice iz JKP Vodostan rekao, napisao i potpisao da priključak ove piličare neće ugroziti i s time je na neki način preuzeo odgovornost. Mi ne možemo svojatati prirodno dobro, ni vodu ni šumu, to nije naše vlasništvo, ovaj vodozahvat nije naše vlasništvo, to je opće dobro. Predlažem da i Vodostan, i općina i mi ovdje damo na jedan određen period vodu, da ne kalkulišemo hoće li moći biti vode ili neće, da li će to ugroziti stanovništvo ili ne. Ako postoji mogućnost privremenog priključka sa obrazloženjem, da ako dođe do ugrožavanja, da će u roku od godinu dana biti isključeno.

MAHIR DEVIĆ – Zamjenik predsjedavajućeg

Vjerovatno ta količina vode neće dovesti u pitanje snadbijevanje vodom Ilijaš. Ovdje je stvar principa, ulazimo mi u nešto što se zove prodaja te vode, pa se može desiti da se pojavi još takvih korisnika i tek tada može doći do sudskih procesa. Možda je rješenje da malo prolongiramo ovu tačku do narednog vijeća. Treba poštovati i mišljenje MZ-a, ali smatram da trebamo napraviti pauzu da vidimo u kojem pravcu bi trebalo ići.

Ne bih išao daleko da kažem da je neko primao mito, međutim, od našeg predlagača je više nego neozbiljno da donese na vijeće ovakav zahtjev. Direktor Vodostana je nama prebacio ovdje nekoliko puta da smo mi krivi što moramo "penale" za navodnu zakupninu pijace platiti. Ja sam ovdje rekao doslovno, mi smo donijeli odluku da se pijaca izmjesti ali ne da štetan ugovor neko sklopi ili ugovor u kome ne stavi klauzulu da ranije potraživanja prestaju. Nemam ništa protiv čovjeka, ali nema veze sa strukom koju obavlja, ide u penziju, i velika je greška društveno-političke zajednice što je nestručnom čovjeku dala najvažniji resurs da njime rukovodi više od dvije decenije. Ovdje je danas trebao biti i direktor Vodostana. Čim prođe mart Ljubnići nemaju vode, to svi znaju. Svako je za to da neko radi, ali šta ako je nešto više ugroženo. Govorimo sa pravnog aspekta, danas donesemo odluku, sklopimo ugovor, čovjek uđe u posao, može namjerno da uradi kako hoće kada je nestašica vode. Mi smo njemu dali u budućnosti da on tu količinu vode koristi i radi. Nije ova općina i ovaj narod dok je bilo vode bio protiv toga, a danas kada smo došli u krizu, narod to kritikuje. Ovo je jako ozbiljno pitanje, razumljivo je da on traži i ima pravo na to, ali je pitanje da li mi možemo ući u takvo nešto. Moramo biti jako obazrivi koliko to može sutra povlačiti štete i mi ovdje plaćati naknadu, kao i narod, što smo mu htjeli izaći u susret. Treba čovjeku odgovoriti da smo mi voljni ali da u ovom momentu sve ukazuje na to da ćemo mi imati više štete nego koristi od toga.

Predsjedavajući je zaključio raspravu po pitanju ove tačke, te stavio zaključak na glasanje. Konstatovano je da zaključak nije dobio potrebnu većinu, sa 23 glasa PROTIV i 2 ZA.

AD-9

- Prijedlog Rješenja iz imovinsko-pravne oblasti:  
b) rješenje broj:06/1-31-658/14  
c) rješenje broj:06/1-31-954/13/EH

SADETA BRKIĆ – pomoćnica načelnika za imovinsko-pravne, geodetske poslove i katastar

Imamo prijedlog na dnevnom redu, odnosno rješenja o dodjeli neizgrađenog građevinskog zemljišta u državnoj svojini na koje pravo raspolaganja ima općina Ilijaš radi izgradnje objekata privrede u industrijskoj zoni Luka. Član 45. stav 1. Zakona o građevinskom zemljištu nakon provedene konkursne procedure i nadmetanja, odlučeno je o izboru Avdibegović Namera, da se izvrši određena dodjela uz uslove kakvi su predviđeni tačkom 2, 5 i 4 navedenog prijedloga rješenja. Naglasiću da je stiglo i mišljenje nadležnog Pravobranilaštva, gdje je utvrđeno da je prijedlog dodjele korištenja neizgrađenog građevinskog zemljišta u skladu sa zakonskim propisima i odgovarajućim aktima općine Ilijaš.

Diskutanata po ovoj tački dnevnog reda nije bilo, pa je OV-e jednoglasno usvojilo

Rješenje broj: 06/1-31-658/14

Zatim je predsjedavajući dao na glasanje rješenje broj: 06/1-31-954/13/EH.

OV-e je jednoglasno usvojilo

Rješenje broj: 06/1-31-954/13/EH

Zatim je predsjedavajući Damir Filipović zaključio 21. sjednicu OV-a u 12:05h.

Zapisničar:  
Maida Habibović

PREDSJEDAVAJUĆI  
OPĆINSKOG VIJEĆA ILIJAŠ  
Damir Filipović, dipl.pravnik

\*\*\*\*\*

Ul. 126. ilijaške brigade br. 6, 71380 Ilijaš  
Tel. ++387 33 580-620, 580-698, fax. 400-505,  
Transakcijski račun kod VAKUFSKE BANKE,d.d. Sarajevo:1602000000710645  
e-mail [ov\\_ilijas@bih.net.ba](mailto:ov_ilijas@bih.net.ba)

